

„ publicæ pacis amantes, ciuitates bonis legibus constitutas, Viros
 „ sapientes, honestam & sanctam Liberorum educationem, piam de-
 „ niue ac puram religionis propagationem, &c. Sæpius citatur
 naufragium Aristippi, quod apud Rhodum insulam fecisse eum
 perhibent, vbi electus, cum quasdam geometricas in littore figu-
 ras conspexisset, iussit socios suos bono esse animo, inclamatans se
 hominum vestigia videre; neque eum sua opinio falsum habuit,
 nam & sibi & suis, eruditione qua pollebat, ab hominibus doctis,
 & amantibus virtutem, necessaria ad vitam tollerandam facile pa-
 rabat. Ita, vt Dij meament, doctissime D. Schonere, cum Prutte-
 ni sint hospitalissimi, haud adhuc contigit mihi ullius his in parti-
 bus magni Viri adire ædes, quin aut statim in ipso limine geome-
 tricas figuræ cernerem, aut illorum animis Geometriam seden-
 tem deprehendorem.

*Tidemannus
Gysius author
fuit Coperni-
eo, vt Tabu-
las Astrono-
micas nouas
cōsiceret: &
impulsor, vt
cōfectas, una
cū demonstra-
tionibus elle-
ret.*

Quare omnes ferè, vt sunt boni Viri, studio-
 fos harum artium, quibus possunt studijs, & officijs prosequuntur:
 Siquidem nunquam vera sapientia & eruditio à bonitate & bene-
 ficiencia seiuncta est. At præcipue duorum magnorum Virorum
 erga me studia admirari soleo, cum facilè agnoscam, quām mihi sit
 curta eruditionis suppellex, meque meo pede metiar. Alter est
 amplissimas Präful, cuius sub principium mentionem feci, reue-
 rendissimus D. Dominus Tidemannus Gysius, Episcopus Cul-
 mensis. Eius autem reuerenda P. cum chorum virtutum, & do-
 ctrinæ, quemadmodum D. Paulus in Episcopo requirit, sanctis-
 simè absoluisset, ac intellexisset non parum momenti ad gloriam
 Christi adferre, vt iusta temporum series in Ecclesia, & certa mo-
 tuum ratio, ac doctrina extaret, D. Doctorem, Präceptorem me-
 um, cuius studia, & doctrinam multis ab hinc annis exploratam ha-
 bebat, antè non destitit adhortari ad hanc prouinciam suscipien-
 dam, quām impulit. D. Präceptor autem cum natura esset nouari-
 nös, & videret Reipublicæ quoque literariæ motuum emendatione
 opus esse, facilè reuerendissimi Präfulis, & Amici precibus cessit,
 & recepit Tabulas Astronomicas cum nouis canonibus se compo-
 siturum, neque, si quis sui esset usus, Rempublicam, quod cùm aliis,
 tum Ioannes Angelus fecit, laboribus suis defraudaturum. At
 quoniam iam olim sibi esset perspectum, obseruationes suo quo-
 dammodo iure tales hypotheses exigere, quæ non tam euersuræ es-
 sent

*Alphonſina
tabula sine ul-
lis rationibus
& demonſtra-
tionibus nude
ſunt editæ.
Copernicus
ſuas Tabulas
eodem modo
publicare vo-
lebat. Vide
prefat: ipsius
ad Paul. III.*